



Allakkap ullua: 05-04-2019
Suliap nr. 2019 - 8535
Akt. nr. 10446423

Inatsisartunut ilaasortaq
Tillie Martinussen, Suleqatigiissitsisut
/-Maani

Postboks 1614
3900 Nuuk
Oqarasuaat (+299) 34 50 00
Allakkasuaat (+299) 34 54 10
E-mail: nap@nanoq.gl
www.naalakkersuisut.gl

Mittarfiliassanik aningaasaliineq il.il. pillugit § 37 naapertorlugu apeqqummut nr. 158-imut akissut

Asasara Tillie Martinussen,

Inatsisartut suleriaasianni § 37 naapertorlugu mittarfiliassanik aningaasaliineq il.il. pillugit Naalakkersuisunut apeqquteqarsimavutit. Apeqqutit uanniit akineqartussanngorlugit innersuunneqarsimapput. Apeqqutinut tunngatillugu quleqquttat suliaasaqarfinnut allanut attuumassuteqarnerat pissutigalugu apeqqutigisavit akinnissaannut Ineqarnermut Attaveqaqatigiinnermullu Naalakkersuisoqarfik akuutinneqarnikummat ilisimatitsissutigissavara.

Apeqqut 1: Danmarkimi Ministeriunerup Kangerlussuarmi mittarfik amaannassaneraa pillugu oqarnera Naalakkersuisut qanoq isummerfigaat?

Akissut:

Ilisimatitsissutigineqarsinnaavoq Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisissaattut siunnersuutip Inatsisartunit akuerineqarnerata kingorna danskit naalakkersuisui Naalakkersuisunut saaffiginnissuteqarput ilisimatitsissutigalugulu Sakkutuut Kangerlussuarmiiginnarnissamik kissaateqarallartut.

§ 37 naapertorlugu apeqqummut nr. 2019/148-imut Ineqarnermut Attaveqaqatigiinnermullu Naalakkersuisup akissutigisaani aamma marsip 21-ianni 2019-imi tusagassiorfinnut nalunaarummi, soorlu aamma Naalakkersuisut nittartagaanni atuarneqarsinnaasoq, Sakkutuut Kangerlussuarmiiginnarnissamik kissaateqarallarnerat eqqarsaatigalugu kinguneqaataasinnaasut periarfissallu qulaajaaffiginissaat pillugit danskit naalakkersuisui Naalakkersuisullu suleqatigiinniarlutik isumaqatigiissuteqarnikuupput. Sakkutuut Kangerlussuarmi inissisimamerisa ingerlateqqinneqarnissaata qulaajaaffiginissaa pillugu suleqatigiinnissamik danskit naalakkersuisuinut isumaqatigiissut Naalakkersuisut innersuussutigissa-vaat.

Apeqqu 2: Pissutsit taama ittussaatiillugit Kangerlussuup, Nuup Ilulissallu allilerneqarnissaat aserfallatsaaliorneqarnissaallu qanoq ilillutik Naalackersuisut illersorniarpaat? Taarsigassarsiassarpasuit eqqarsaatigalugit.

Akissut:

Ineqarnermut Attaveqaqatigiinnermullu Naalackersuisoq

"Kangerlussuup siunisaa pillugu aalajangiisoqarnikuunnigilaq, matumani Kangerlussuup allilernissaa imaluunniit aserfallatsaaliornissaa ilanngullugit."

Paarlattuanik Sakkutuut Kangerlussuarmiiginnarnissamik kissaateqarallannerisa qulaajaaffiginissaanut danskit naalackersuisuinik suleqateqarnissaq ingerlanneqassasoq aalajangiunneqarnikuuvoq, tamatuma saniatigut Kangerlussuup siunisaa pillugu kommunimik suleqateqarnissamik isumaqatigiissuteqartoqarnikuuluni.

Ineqarnermut Attaveqaqatigiinnermullu Naalackersuisoq

"Tamanna tunngavigalugu apeqqutigineqartoq tunngavissat eqqortuunnigitsut atorlugit ilusilersorneqarsimasoq isumaqarpunga, tassami apeqqutigineqartup allanneqarsimaneratuut, Kangerlussuaq, Nuuk aamma Ilulissat Naalackersuisunit allilerniarneqarnissaat aserfallatsaaliorneqarnissaallu pillugit aalajangiisoqarsimannigimmat."

Apeqqu 3: Soorlu tusagassiutitigut oqaatigineqareersoq Illersornissaqarfimmiut nunatsinni suliaqarnissaat pillugu suleqatigiissitaat taaneqartut innuttaasut partiillu peqataatitsineq ammanerlu qanoq issasut naatsorsuutigisinnaavaat?

Akissut:

Suleqatigiissitami taakkartorneqartumi illersornissamut isumannaallisaanermullu politikikkut immikkoortoqartoq oqaatigineqassaaq. Kisianni oqaatigineqareersutut naatsorsuutaavoq, suleqatigiissitaq allaffissornikkut suliaqartuussasoq oqartussanik sulianillu suliaqartut pisariaqartut peqataatillugit, taakkulu suleqatigiissitanut allaffissornikkut sulialinnut naliginnaasumik periuseq malillugu sulissapput. Taamaattumik suut nalunaarutigineqassanersut innuttaasullu qanoq peqataatinneqassanersut pillugit suleqatigiissitap nalunaarutissani nammineq aalajangissavai. Naalackersuisut immikkut isummernissaannut tunngavimmik suliaqartuussasooq oqartussanik sulianillu suliaqartut pisariaqartut peqataatillugit, taakkulu suleqatigiissitanut allaffissornikkut sulialinnut naliginnaasumik periuseq malillugu sulissapput.

Kisianni oqaatigineqareersutut naatsorsuutaavoq, suleqatigiissitaq allaffissornikkut suliaqartuussasoq oqartussanik sulianillu suliaqartut pisariaqartut peqataatillugit, taakkulu suleqatigiissitanut allaffissornikkut sulialinnut naliginnaasumik periuseq malillugu sulissapput.

Apeqquut 4: Kangerlussuaq Illersornissaqarfillu pillugit suleqatigiissitap suliani qaqugu naammassissallugit naatsorsuutigai?

Akissut:

Suleqatigiissitap suliani 2019-imi aasaanerani naammassissagai naatsorsuutigineqarpoq.

Apeqquut 5: Kangerlussuup ammaannarnissaa pillugu nutaarsiassaqaqarmat nunami aningaasaleerujussuarnissamut, taamaalillunilu nunap akiligassanerujussuarnissaa, tunngavissat peerutissasut oqartoqartariaqarpoq. Kangerlussuarmi sakkutuunit najorneqartussaammat naatsorsuutigisat piumasaaqaatillu pillugit iluarsaanneqartartussaavoq, soorlu mittarfiliortiternissanut atortussani mittarfimmuut minnerpaamik 2.810 meterisut takitigisumut atortussani nassuiaatigineqareersoq. Tamanna, Naalakkersuisut paasinnittaasiat naapertorlugu, mittarfiliortiternissat allatut aalajangiiffigineqarnissaanut aamma assersuutigalugu nunami maani mittarfiit mikinerusut allilertiternissaannut aamma pingaanningsiornissaannut, soorlu 2015-imi Inatsisartuni akuersissutigineqartoq, aamma Kangerlussuup nunanit tamalaanit kisiartaatillugu miffigineqarsinnaasumik mittarfiutiinnarnissaanut allatut aalajangiinissanut tunngaviunngila? Taamaalillunilu nunami maani mittarfinnik mikinerusunik assigiissaarinikkut timmisartuussisarnerit timmisartuutileqatigiillu sipaarfigineqarsinnaanngorlugit?

Akissut: Apeqquummut saqqummiunneqartumut Ineqarnermut Attaveqatigiinermullu Naalakkersuisup oqaatigiumasai:

"Apeqquummut 2-mut akissutigineqartoq innersuussutigissavara. Tamanna aallaavigalugu Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killilius-satut piumasaaqaatit pillugit Inatsisartut inatsisaata allanngortinneqarnissaanut piareersarnissamut tunngavissamik Naalakkersuisut takusaqarsinnaanngillat.

Sakkutuut Kangerlussuarmi inissisimaannarnissaasa qulaajaaffiginissaa pillugu danskit naalakkersuisuinik suleqateqarnissamik isumaqatigiissutip, mittarfiit pillugit Inatsisartut akuersinerannut aallaaviusutut tunngavissaatitaasut allannguuteqartinnngilai.

Tassungaa atatillugu oqaatigineqassaaq 2015-imi ukiakkut ataatsimiinnermi immikkoortut 18 aamma 167 pillugit Inatsisartut aalajangiinerannut ilaammata Nuummi Ilulissanilu mittarfiit 2.200 meterisut aamma Qaqortumi mittarfik 1.500 meterisooq sanaartorneqassasut. Tamatuma saniatigut nunap immikkoortuini mittarfissat Inatsisartut 2015-imi Naalakkersuisunut misissuiffigeqqullugit peqquaat.

Manna tikillugu nunap immikkoortuini mittarfissat pillugit sulineq Attaveqaatit pillugit isumasioqatigiinnermi 2019-imi marsip ulluisa 20-anni aamma 21-anni Nuummi Hotel Hans Egedemi Inatsisartunut, Naalakkersuisunut aamma nunami maani Borgemesterinut tallimaasunut saq-qummiuppakka.

Ineqarnermut Attaveqaqatigiinnermullu Naalakkersuisup oqaaseqaatigiumasai allanneqartut innersuussutigineqarput.

Inussiarnersumik inuulluaqqusillunga
Med venlig hilsen


Ane Lone Bagger